



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080190852367419

№ 1468

13 / მარტი / 2019 წ.

**ი.მ. ზაზა ბალხამიშვილის შავ სიაში დარეგისტრირების შესახებ**

**შემსყიდველი ორგანიზაცია:** სსიპ „შემოსავლების სამსახური“;

**ტენდერის ნომერი:** SPA180008393;

**შესყიდვის ობიექტი:** 45400000 – შენობის დასრულების სამუშაოები;

**მიმწოდებელი:** ი.მ. ზაზა ბალხამიშვილი (პირადი №06001003098);

**წერილობითი შეტყობინების საფუძველი:** სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობა.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2019 წლის 30 იანვარს წარმოდგენილ იქნა სსიპ „შემოსავლების სამსახურის“ 2019 წლის 30 იანვრის № 21-02/9934 წერილობითი შეტყობინება (რეგისტრაციის № 1042), რომლითაც სააგენტოს ეცნობა ი.მ. ზაზა ბალხამიშვილის (პირადი № 06001003098) მიერ SPA180008393 ელექტრონული ტენდერის საშუალებით დადებული 2018 წლის 6 დეკემბრის №2/209 სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობის თაობაზე.

1.2. სააგენტომ ი.მ. ზაზა ბალხამიშვილს, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის [zaza.bolxanishvili@gmail.com](mailto:zaza.bolxanishvili@gmail.com) მეშვეობით, 2019 წლის 31 იანვრის № 401 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

**2. შემსყიდველი ორგანიზაციის პოზიცია**

შემსყიდველი ორგანიზაციის წერილობითი შეტყობინების თანახმად, მიმწოდებელს, 2018 წლის 6 დეკემბრის № 2/209 სახელმწიფო შესყიდვის შესახებ ხელშეკრულების საფუძველზე, ხელშეკრულების გაფორმებიდან 25 კალენდარული დღის ვადაში (2018 წლის 31 დეკემბრის ჩათვლით), უნდა შეესრულებინა სსიპ „შემოსავლების სამსახურის“ საბაჟო გამშვები პუნქტის „ყაზბეგი“ მიმდებარე ტერიტორიაზე სარემონტო სამუშაოები. ხელშეკრულების ღირებულებად განისაზღვრა 12 845 ლარი, ხოლო მოქმედების ვადად – 2019 წლის 31 იანვარი. მიმწოდებელმა არ შეასრულა ხელშეკრულებით ნაკისრი ვალდებულებები, რის გამოც, სსიპ „შემოსავლების სამსახურმა“ 2018 წლის 25 იანვრის №21-02/8605 წერილით ცალმხრივად შეწყვიტა მხარეთა შორის გაფორმებული 2018 წლის 6 დეკემბრის №2/209 სახელმწიფო შესყიდვის შესახებ ხელშეკრულება და ი.მ. ზაზა ბალხამიშვილს დააკისრა პირგასამტეხლო 59,09 ლარის ოდენობით.

**3. მიმწოდებლის პოზიცია**

მიმწოდებელს ადმინისტრაციული წარმოების ფარგლებში განმარტება არ წარმოუდგენია.

#### **4. სააგენტოს მიერ დადგენილი გარემოებები**

4.1. 2018 წლის 5 ნოემბერს სსიპ „შემოსავლების სამსახურმა“ გამოაცხადა SPA180008393 ელექტრონული ტენდერი სარემონტო სამუშაოების (CPV45442180) შესყიდვის მიზნით.

4.2. სატენდერო კომისიის 2018 წლის 30 ნოემბრის №2 სხდომის ოქმით ი.მ. ზაზა ბალხამიშვილი (პირადი № 06001003098) გამოვლინდა გამარჯვებულად და მიწვეულ იქნა სახელმწიფო შესყიდვის შესახებ ხელშეკრულების გასაფორმებლად.

4.3. 2018 წლის 6 დეკემბერს მხარეთა შორის გაფორმდა № 2/209 სახელმწიფო შესყიდვის შესახებ ხელშეკრულება, რომლის საფუძველზეც, მიმწოდებელს, ხელშეკრულების გაფორმებიდან 25 კალენდარული დღის ვადაში (2018 წლის 31 დეკემბრის ჩათვლით), უნდა შეესრულებინა სსიპ „შემოსავლების სამსახურის“ საბაჟო გამშვები პუნქტის „ყაზბეგი“ მიმდებარე ტერიტორიაზე სარემონტო სამუშაოები. ხელშეკრულების ღირებულებად განისაზღვრა 12 845 ლარი, ხოლო მოქმედების ვადად – 2019 წლის 31 იანვარი.

4.4. ინსპექტირების ჯგუფის 2019 წლის 14 იანვრის დასკვნის თანახმად, მიმწოდებელს არავითარი სამუშაო არ შეუსრულებია.

4.5. ხელშეკრულებით ნაკისრი ვალდებულებების შეუსრულებლობის გამო, სსიპ „შემოსავლების სამსახურმა“ 2018 წლის 25 იანვრის № 21-02/8605 წერილით ცალმხრივად შეწყვიტა მხარეთა შორის გაფორმებული 2018 წლის 6 დეკემბრის № 2/209 სახელმწიფო შესყიდვის შესახებ ხელშეკრულება და ი.მ. ზაზა ბალხამიშვილს დააკისრა პირგასამტეხლო 59,09 ლარის ოდენობით.

#### **სამოტივაციო ნაწილი**

#### **5. შემაჯამებელი დასკვნა**

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ი.მ. ზაზა ბალხამიშვილი უნდა დარეგისტრირდეს შავ სიაში.

#### **6. გამოყენებული სამართლებრივი აქტები**

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

#### **7. სამართლებრივი შეფასება**

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. მოცემულ შემთხვევაში, დგინდება, რომ მიმწოდებელმა არ შეასრულა 2018 წლის 6 დეკემბრის № 2/209 სახელმწიფო შესყიდვის შესახებ ხელშეკრულებით ნაკისრი ვალდებულებები. ამდენად, სახეზეა მიმწოდებლის გაფრთხილების ან შავ სიაში დარეგისტრირების წინაპირობა.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის

მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.6. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველები, რადგან მიმწოდებელმა არ შეასრულა ხელშეკრულებით ნაკისრი ვალდებულებები. შესაბამისად, მოცემული დარღვევის გათვალისწინებით, ი.მ. ზაზა ბალხამიშვილი უნდა დარეგისტრირდეს შავ სიაში.

### სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. ი.მ. ზაზა ბალხამიშვილი (პირადი №06001003098) 2019 წლის 14 მარტს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე

ხელმოწერილია/  
შტამგდასმულია  
ელექტრონულად 

ლევან რაზმაძე